

唐虞詒著

漫遊記

雲觀題

71  
66  
2



3 0662 7380 0

# 漫遊記目錄

插圖

題辭

自序

南遊日記


瑞士山水遊記

遊雁蕩山記

歐遊日記




鴿 飛 頭 街  
( 斯 尼 威 )




步 代 舟 輕  
( 斯 尼 威 )


月影波光(瑞士)



白山  
雪洞(瑞士)



丹麥歷史最久之  
 葛斯夫民衆  
 高等學校



維也納市立  
 幼稚院  
 兒童勞作




維也納

小河泛舟




瑪麗女士

在奧古宮前




柏木博物院之建築  
型模建中物林



日內瓦湖長橋


丹  
麥  
克  
龍  
柏  
古  
堡



拿  
破  
侖  
凱  
旋  
門



巴  
黎  
公  
園  
一  
角





謀 日 巧 和 袍 秋 輕 置  
伯 幸 堂 峯 雁 系 水 鴻 道  
兄 題 任 借 蕩 一 人 不 岳  
游 均 游 何 節 千 辦 游  
記 第 出 如 試 里 西 似  
 滿 後 印 可 端 東 夢  
 四 刻 海 且 破 望 中  
 封 河 友 台 春 穿 依

秋 遊 記  
蘇 軾 題



陸爾岸頭瞰月湖塵埃着龍  
名郡振衣於澀墨西海拔足  
先新一青字區異境能游斯  
是福院文如兒縷披圖雁山  
佛國君經裏水色嵐光於可  
呼 幸題

謀伯學長先游記四種即希

即政

弟馮振素



謀伯先生示漫遊四記首譯半厂謂馮子明  
 刺取水經注作山水奇藻先生諸記當之无  
 作揚井厂所云可洗宋人卧遊兼之烟者也  
 先生先後遊學美州病自就鑿歐少  
 皆開卷可知敬頌二首  
 披卷真堪抵卧遊老莊告退極雕搜但能翠  
 挹名山秀自可青迴病眼瘳一片人看雪偶  
 出九河鴻印雪長白蓬蒿下士君休嘆祗  
 聖切弄斧舟

安字錢鍾書拜 示

博望乘槎採數金  
空後天邨衍笑荒唐  
誰能夢想重瀛外  
鯨浪如山一葉航

美雨歐風做文蠟  
屐蠻花寄鳥一美囊  
小同家學原無敵  
今日梁溪是鄭鄉

北憲散帙臥涼風  
山海觀園遊此上  
生我四州湖上艇  
子岸年負雪照晴空

把酒曾同訪二靈  
五題痕屐印太零  
星因君妙記生鄉思  
百二奇峰逼夢青

謀伯先生博學好遊  
足跡遍歐美嘗與余同  
陸見雁瀟龍湫之勝  
茲以所作遊記數種  
刊成是示漫題四絕  
以博一笑  
民國二十四年夏  
日 永山馬公愚



## 自序

余少喜遊會兩度遊美兩度遊歐惟足跡所經見聞所及記載蓋渺今夏於篋中檢得舊日遊記四種皆一時抒寫襟懷之作聊堪自嬉爰彙集成帙名曰漫遊記倩武進張君耆孫校閱一過付諸鉛鑿其中第一記紀二十年前余與美國同學開塞爾君遊歷美國南部之事維時余等少年意氣甚豪每日步行康德基省青草區七八十里某宵行曠野中忽遇無數酗酒黑人乘大木車風馳而來誤以余等爲盜舉鎗轟擊火光迸射子彈颼颼然自頭上掠過余等亟伏匿深草叢中幸免於厄亦漫遊中一紀念也瑞士有世界公園之稱其山水雄奇幽秀無美不臻第二記

所載不過滄海之一勺耳雁蕩爲浙東名山其景幽靈清勝千巒萬嶂峭拔巉巖昔人以之擬飛仙俠客良非虛譽聞近年來雁蕩山設備頗周迥異第三記中所述行旅艱苦情形蓋名山勝地之點綴與小民之流離困苦俱增矣第四記載余與內子慶棠同往歐洲之經歷遊香港三環聞新加坡南天酒家簫鼓往孟買觀靜塔弔印度古宮登哥崙布山峰采佛國貝葉聽海潮音渡印度洋紅海蘇彝士運河經埃及境空遊思古之情而時已改登歐洲大陸雅爾高峯萊茵秋水供我經營惜余日疾方劇途中閱歷有如莊子所謂以神遇而不以目視者矣國步日蹙江河滿地回首清遊不勝今昔之感數日前得馬君公愚來書謂已在雁蕩山購地數畝作他年休憩之所會當相訪於

靈峰雁湖之間風日交柯一樽座對龍湫飛瀑恍奏鈞天  
人間世盛衰升沉寵辱得失之故豈足復道哉民國二十  
四年七月唐慶詒序於無錫西溪

閱長孫慶詒南遊日記七絕十首

高曾世澤幸綿長  
男子原應志四方  
遊學遠踰六萬里  
異鄉景物任鋪張

二人難得有同心  
遊歷興言利斷金  
恰好南薰披拂處  
暢懷山水共登臨

木車驚載黑人來  
深草潛蹤作盜猜  
聽彼槍聲頻震動  
猶欣無妄未罹災

似有蛇神隱主張  
老人導引語倉皇  
銅頭響尾難防衛  
頗訝山經未及詳

蠻莫洞中遊客多  
茵牀石室幾經過  
沉淪一夕天光曙  
更喜傳聲別有河



貝殼磋成一大珠一錢不值召挪揄異方也有欺人術寄  
語同人莫被愚

浴室驚聞孺子呼今來伴侶有還無大都暴客潛相覷幸  
早扃門備不虞

縱幽鑿險亦尋常瑣瑣偏勞載筆詳識得一編皆記實卻  
疑詭詭學蒙莊

居然多見又多聞毋誑知遵曲禮文開卷只堪自怡悅休  
誇筆墨化煙雲

好奇祇是性情偏我對斯編一蹶然縱說文章貴絢爛還  
應道學守前賢

己未暮春若欽漫題

南遊日記弁言

大兒慶詒遊學美國研求教育余移書詢之曰教育以動爲主乎抑靜爲主乎慶詒復曰動教育靜教育美洲無此名詞也大抵天姿偏於陽剛者則教之以靜偏於陰柔者則教之以動書所謂沉潛剛克高明柔克是也吾國士人素偏於靜似宜以動矯之余復之曰不然易言動靜不失其時其道光明唐白樂天發明動靜交相養之義宋周子論太極云動極復靜靜極復動一動一靜互爲其根又曰五性感動聖人定之以中正仁義而主靜立人極焉蓋儒者之道必以靜爲體以動爲用若概矯之以動則氣浮於上神散於外欲與世競爭得乎此無經驗之說也慶詒復

寄呈南遊日記一卷余閱之曰善矣是其研慮說心紆迴曲折非以靜爲體乎別開異境善爲險語非以動爲用乎於此悟作文之法卽爲學之法也爰復弱血之曰蒙莊有言井鼃不可語海拘於墟也聞道百以爲莫己若迺知爾醜昔司馬遷遊江淮登會稽探禹穴浮於沅湘北涉汶泗講業齊魯之都阨困鄱薛彭城過梁楚以歸後人推之謂其遍游天下名山大川故成文章家之雄實則足跡未出禹甸之域斯亦隘矣太平丹穴空桐鴻蒙奇境何限吾人之縱幽鑿險所以修其教而齊其政者亦復何限古之聖賢靜則獨居一室萬物皆備於我動則鎔鈞九區聲教迄於四海其抱負蓋有大過者慶詒勉之哉旣付郵遂書之於簡端己未三月下旬蔚芝記

南遊日記自序

余留學美國比洛意大學 *Beloit College* 每當暑假輒思游歷以廣見聞前年曾往西方遊黃石公園觀巴拿馬博覽會駛行太平洋濱烟波浩淼南窮墨西哥境花雨連天始歎造化之宏富人工之機巧然所見僅北美與西美耳嘗聞南美多古蹟兵燹荒烟殘碑埋沒訪叩其遺老尙有能道南北戰爭者又聞南美崑勃崙山 *Cumberland Mts.* 中多山民人聚居漁牧耕種不與外界往還其間文化鄙儻器用古樸而特好客外人至則款待畢至焉又聞康德基省中有所謂青草區者土壤沃腴碧草無垠林密泉甘牛羊蕃息爲美國南部富饒之區於是始有遊南美之思會校中

級友斯賓塞開塞爾君 Mr. Spencer Castle 亦具此志遂於今夏訂南遊之約既而相謂曰既擬遊南何可不窮探極南遂以紐奧林 New Orleans 爲止境又因登山臨水問俗考風車行不如步行乘車遊歷過而不留遂擬入康德基省內步行青草區然後乘舟車爲續議既定卽起程行爲時近二月行程二千餘里途中經歷凡有可記書之於次雖道聽途說者亦筆之以備觀覽或作爲遊歷者一助云民國七年三月唐慶詒序於美國比洛意大學

步陳年伯石遺原韻

謀伯

絕似當年庚子山江關詞賦。騷壇欣逢舊雨。皆知已競逐流霞。各盡歡檀板。紅牙催玉漏。松雲白首挂華冠。秋來風雨。雖如晦。尚有豪情赴筆端。

酒後往仙霓社聽曲

謀伯

薄暮蘼煙暝。微芒動遠空。青衫千日酒。翠袖一江風。錯認西樵夢。渾疑野寺鐘。秋來無限意。併入笛聲中。

## 南遊日記

民國六年七月十五日領校長及本地市長介紹書。蓋南方風氣不甚開。恐或遇留難也。下午往見醫生種痘。以防南方病染。醫生囑每星期種一次。三次後乃止。

十六日早開塞爾君因種痘發熱。至十一時始略愈。遂起程同往芝加哥。往麻塞費公司 Marshal Field Co. 購物。以南方炎暑。購草帽通風鞋及羽毛布衫。又以旅行衣服貴堅韌。購黃斜紋布褲。青紗布襯衫。及羊毛襪。又以行李貴輕便。購背囊。衣服外又備肥皂木梳刷子火酒。用以治傷汗粉藥品等物。均置囊中。晚七時乘輪渡米希根湖。月黑

風尖。十時抵聖若望 St. Joseph, Michican 宿友人。此友為余等兄弟會會友

十七日下午閒步米希根湖畔。水潮奮湧。奔走撲人。岸為沙灘。小石星布。中埋水鳥羽及小死魚甚多。既而日暗風急。小雨迷濛。遂避入一公園。聽軍樂。隨回友人家。

十八日晚往游盤登港。Benton Harbor 近處有一宗教派。名突微宅。House of David 入教者將私產充公。築室聚居。不嫁不娶。游人欲觀其宅者。須捐數角。即乘小火車入其地。則見屋宅富麗。有飯館。彈子房。宗教書出售處。軍樂亭。均教中所設。入教後須留鬚。不復雜去。游其地者。恍入長鬚國也。

十九日由聖若望乘電車至印第安拿巴里。Indianapolis 印第安拿省首都也。夜宿華盛頓旅館。

二十一日觀省公署。牆屋紫色。規模宏大。兵士水手紀念碑與之對峙。碑高三百十五英尺。紀念美國南北戰爭陣亡將士。兩入雲霄。下午即由印

第安拿巴里乘電車至羅意微爾。Louisville, Ky. 住泰雷旅館。Tyler Hotel 賬房女子誤以余等為西班牙人。

堅來問詢。告以行止。始恍然。悟旅館老嫗絮絮相問。曰：君二人殆雙生子乎？何眉目之相似也。開塞爾君與余面貌通告。異惟其時裝束相類。

以余為中國人。余友為美國人。嫗以為相戲。含笑不信。又問曰：君等曾至故國愛而蘭乎？始知嫗為愛而蘭人也。是晚種痘。

二十二日游公園觀藏書樓。是日天暑。頭痛日眩。上次開塞爾君種痘後發病時。余無恙。此次適相反。晚乘電車至歇而皮微爾。Shelbyville, Ky. 旅館窄陋污穢。夜睡不安。

二十三日病益甚。以歇而皮微爾地小塵俗。不可久居。遂強起朝食。食物粗劣不可口。而旅館中人索價半元。餐畢努力負行囊向佛蘭克福。Frankfort, Ky. 進行。人病天熱。汗下如注。每行數百武。輒擲背囊於地。臥息樹陰下。青草迷路。亦無心賞樂。此為步行第一次。而悔意已生。真可笑也。途中遇一老者。亦向佛蘭克福行。口啣煙斗。面目黧黑。肩負刀鋸等物。知為工匠也。與語如欲睡者。乃止。其行步衰頹。龍鍾。然進行無間。余等每息樹下。輒為追及。開塞爾君因笑而相謂曰：余等步武雖疾。不如老人之無間。勝負殆未易卜也。言畢。遂起行。行未半里。忽見老人酣睡道



旁。烟斗尚在口中。余等大笑。行五六里益疲。忽大木車迎面來。聲隆隆然。本運貨車而中空。御者二人坐其前。亟呼問。能借乘否。二人停車許諾。即超乘。而石道崎嶇。鐵輪輾其上。頗簸不可言。兩馬受鞭策狂奔。聲震如雷。鳴聒耳。御者一人抽刀斷坐墊。移贈。意雖可感。然亦無濟。不得已躍下。行不數里。遇一汽車。亦爲運貨者又借乘。此車安適甚。風馳電掣。頃刻數里。惟此車未至佛蘭克福即止。余等遂下。當是時。自歇爾皮微爾至佛蘭克福路程。已去大半。復飢。遂入農人家購食。主人主婦肅客入。款待周洽。食物有麵餅。綠豆。蕃薯。牛肉等。償以二角五分。其家有一老者。終身未出里門一步。然諳於本地典史。幼時見南北交戰。猶能津津道之。下午主人亦欲往佛蘭克福。請同乘汽車往。三時抵佛蘭克福。謝之而別。時余亦愈。佛蘭克福爲康德省首都。其公署莊麗雅靜。倒影入康德基河中。余等將行。李存實甫居宅 *Jeffre's House* 後。即往游瘋人院。院外綠陰如蓋。突遇一瘋人。追隨大呼曰。汽車何在。汽車內稻草又何在。余等爲之一驚。時天已晚。游人不得入院內。遂行至一公墓地。在小山上。石碑如林。縱目遠望。則見河水縈帶。煙籠都城。余等臥墳旁。且談且笑。墳上有小椅二。輪一。均草札。不明其何意也。旣而素月流天。夕陽遠沒。微風吹蕙。懷乎不可久留。遂回宅。凡住可房較旅館爲省

二十四日星期日。早往教堂。牧師高談教中信条。門戶之見甚深。聽之無甚意味。下午遊省城新舊公署。舊公署內塵埃遍地。舊椅舊琴等物。縱橫滿堂。蕭條可感。新公署則窮極富麗。牆柱階級。均以花石爲之。壁上雕刻。亦工鏤如

神。省長公館。在公署附近。

二十五日遊福得山。Fort Hill 是夕聽白禮安君 William J. Bryan 演說。白君爲美國演說家之一。是夕辭熱。聽者數千人。白君出台時。手揮蒲扇。意度安閒。力陳酒害與酒禁之不容緩。至激烈處。則掉厲奮發。辭源如雷。電風雲。一時並至。聞者動容。

二十六日早四時起程。往浮塞爾。Versaille 精神舒適。背囊覺倍輕。行約二十里。觀一釀酒處。蓋康省以酒名者也。下午炎熱。近有泉水涓然。流成小河。曲折山麓下。綠陰環之。余等既就河洗衣。卽入水游泳。水清可鑒。深僅及膝。不可以泳。水底細苔如絨。可以坐臥其間。水流湍急。如能挾人而行。遇石則激觸。包迴聲如環佩。巖上蒼翠。與河底碧苔相映。流水搖風。天地盡綠。洗衣畢。卽掛枝上曝之。如是者數時。樂而忘行。及起程。已近五時。距浮塞爾尙三十餘里。路漸荒涼。無處可購食。忍饑前行。天已昏黑。淡月如鉤。行雲來蔽。路僅隱約可辨。四顧曠野。不見屋宇。心惶惑。則步武益緊。既而路兩分。徬徨莫擇。姑取其一。忽遙見燈火。熒然大喜。急奔赴叩關。二犬突出。狂吠。雖受驚。幸不爲害。室中人。徐出。應問。悉距浮塞爾尙二十餘里。心稍慰。鼓勇而行。飢倦交迫。兩睫欲闔。道長天黑。百物生幻。路左枯樹。僵立如長人。俯視森然。欲搏人。又如狐兔。聳耳人立。而笑。忽聞怪聲。起野中。幽厲而長。隨沒。余曰。此何聲也。爲梟爲獸。開塞爾君附耳語曰。此或狼乎。嘗聞狼聲如小兒啼。此聲何相類。余雖不深信。然心益惴惴。則盡力狂走。履中。

沙礫刺痛亦不稍顧。正奔走時。忽一大木車風馳而來。滿載黑人。狂歌大醉。喧嘩不可名。南美多黑人善飲醉時甚兇悍開塞爾君曰。急匿急匿。即共藏道旁深草中。而黑人早見。以爲盜劫。急大呼發槍。火光如閃。煙塵四起。三發均不中。疾馳而過。又連發數槍。人馬火光一時俱寂。康省律人民得攜帶火器余等俯伏出草。大奔。背上囊如無物。每馳數十武。輒狼顧傾耳聽。忽聞車聲隆隆。然甚近。以爲黑人回矣。急趨入野中。道旁有蒺藜林。急切不得過。又側耳聽。則無所聞矣。向者之聲迴聲耳。後不復聞車聲。心始稍定。及抵浮塞爾。已夜半。足腿均傷痛。時店鋪大半閉門。亟入一冰酪店坐息。食冰酪三杯。飲水三杯。食糖食數枚。飢渴略舒。青紗布襯衫及背囊均淋漓如入水。夜宿旅館。

二十七日下午乘車至雷星墩。Laxington Ky. 宿呂廉旅館。Leland Hotel

二十八日下午游亨利克里宅。Henry Clay Estate 夜種痘。

二十九日觀康德基大學。房屋宿舍均甚舊。形式遜於北方大學。又觀忒朗斯佛尼學校。Transvanid College  
三十日早四時步行往尼格斯維爾。Nicholsville, Ky. 隨往高橋。High Bridge, Ky. 聞爲世界最高橋之一。  
共三百餘級。俯視舟楫往來。帆頂渺小。夜古宿騰宅。Goulden's House

八月一日乘舟往游敦尼盤洞。Daniel Boort's Cave 敦尼盤者。美國探險家。北加羅利諾。North Carolina. 人。勇健機警。與紅印度人戰。殺敵無數。後北越崑勃崙山。發現康德基青草區。故此洞以爲名。洞在山腰間。陰深寒。

慄入數十武。昏黑不見指。亟退出。高橋居民云。洞深無底。有好奇者數人秉炬入。行四五小時。卒不能窮。懼炬將滅。亟尋原徑回。洞中寬大處如廳堂。可以俯仰。險處則葡伏蛇行。衣盡污溼。嘗讀吾國遊記。聞山洞多類此者。今則目見。然後知宇宙奇境。不鍾於一方也。山上有漿果樹甚繁。可採食。有流泉涓涓。晝夜不絕。晶瑩清澈。採大葉承取飲之。味淡而冽。下午回雷星墩。半車半步。

二日早四時由雷星墩至利去門。Richmond, Ky. 約八十里。備乾餅檸檬與糖。途中渴。則入鄉人家求水。合檸檬與糖水飲之。家中主婦見其二子。談笑攝影而別。行十餘里。腹飢。購食農人家。主人年過中旬。跛而精神矍鑠。相邀入室。主婦亦殷勤。既就坐。主客一堂甚歡。而烈日橫空。金石欲炙手。小兒五六人。有眠室內者。啼聲嗷然。有就食於母者。嬉嬉然。杯盤交錯。聲了了然。百聲嘈雜。而蒼蠅營營然。橫飛如雨點。主婦且食兒。且款客。從容揮大樹枝驅蠅。聲颯颯然。主人方高坐堂上。豪興縱橫。抵掌談天下事。聲震一堂。食既竟。與主人坐窗外小談數時。價謝之而別。且行且覽景物。風吹青草。蕩曳如波濤。有少女乘馬。過如飄風。僅見人影鞭絲。蹄聲漸遠。行既倦。遇一貨車。載瓜數十。方向利去門前進。既得借乘。叩其瓜價。曰每個半元。遂不購。途中逢老者。蒼髮紅顏。每談笑數語。即探囊出酒瓶吸飲。其癖已深矣。車行十餘里。停止一雜貨店前。御者。即此店主人也。稍坐息。即購花生乾餅等物起行。十餘里後。地漸高聳。盤旋上嶺。俯視平原。煙樹蒼茫。康德基河蜿蜒行地。波光與落日相映。則驚紅駭紫。流采滿河。汪洋搖

光不可逼視。方回首望山。突見明月正西上。澄輝藹藹。日月如在兩極相望。而不相接。既而紅光散而清光聚。金河逝而銀河流。白日照朗。采雲繚繞。深林虛籟。空山無語。爲之歎賞無極。且行止。夜半猶未抵利去門。倦極欲睡。田中而月明露重。遙見小獸如狸。躑躅道左。轉瞬即沒。遂不敢睡。竭力進行。數時始達。

四日由利去門步行至比利愛。 Berea, Ky. 近五十里。途遇一農人。問願否耕工數天。辭之夜宿敦尼盤旅館。 Boone Tavern

五日參觀比利愛學校。在峴勃崙山下。分初等高等小學中學大學。學生數千人。山中居民。入校者甚衆。聞校中有中國女學生一人。惜未晤見。余等有友人介紹書。得識本地學生方會克君。 Fenwick 方君人甚佳。一切得其照拂。囑明日準備遊山。

六日下午攜絨氈備乾肉麵包水菓等物登山。由夾道盤旋上嶺。亂石崎嶇。會車自後來。因得借乘。時斜陽掛道。綠陰滿山。光景無窮。而車行震播。人馬俱疲。乃飲馬河中。行數時下車。方會克君識山中老者。遂訪其居。時已薄暮。遙聞犬吠。旣逢老者。導至高原草地上。睡宿。積薪燔肉。飲山中流泉。老人年近六旬。貌甚慈祥。髮鬚皓白。跣足。手持長煙管。言山中多蛇。毒者爲響尾銅頭兩種。響尾易備。銅頭難防。又言山貓聚則逼人。是夕鋪毛氈臥草地上。夏月上樹。星斗縱橫。仰視太空。天地包我。風動草木。則蕭蕭颯颯。萬籟唱喁。全山應和。又念老人蛇談。則惴惴不敢睡。木葉

搖脫以爲蛇至矣。後稍睡數時。黎明卽醒。

七日曉氣清新。山中有小河曲折。逕沿流而行。披蒙茸。履蒼苔。渡危石。懷懷然懼蟲蛇之窟穴其中。旣倦。坐息樹陰下。掬水製咖啡飲之。薄暮過山中跳舞所。一人彈月琴。聲鏗鏘然。男女數十人。攜手應節而舞。此種古舞美國交際場中久已不見。馬無式容止。均簡陋。旁觀少時。購食冰酪。卽外出覓地睡息。甫入睡。騎者數人自跳舞所回。叱問爲誰。告以遊人。策其服言而去。是夕露重草溼。林中又多蚊。不得安睡。

八日黎明登東峯。山巔白石光潔。因坐息早餐。時晨光破霧。零露上騰。旭日升天。萬山徧照。夏日山景也。俯視壑中翠葉成團。徘徊數時下山。過隧道。名胖者愁。以其窄狹。體胖者難過。故名。然余等過之。綽乎猶有餘裕。又過鼠穴。穴連山腰。高下兩處。險峻峻峭。開塞爾及余本不敢入。因方會克君及山民數人鼓勇入。不得已隨之。穴中陰森逼人。二石壁兀然對峙。凹凸嶙峋。相距不過數尺。入洞者。以背貼一壁。以手足攀援一壁。徐徐下降。俯視隧道如溝。失身下墜。必致鱗傷。余入時以革履滑。解擲洞中。聽其所之。後由山民拾取見還。偶遇危險處。手援石孔。足倉卒無所憑藉。身懸空。屏息不敢動。山人來扶持。始免於墜。開塞爾君墜眼鏡幾碎。聞山中婦女有能過此洞者。下午登西峯。下山時見樵夫方持斧尋蛇。云適見一響尾蛇。不知所往。余等心恐疾行。山石奔瀉。蔓草橫路。踉蹌已甚。夏蟬狂鳴聒耳。與響尾蛇聲無異。奔走數時。始達大路。喘息略定。探道左木莓食之。夜抵旅館。

十一日由比利愛回尼格斯維爾。隨往高橋。抵站時天已昏黑。舉目無所見。正旁皇間。忽一人提燈來。問何往。告以欲求宿處。笑曰。但隨我。初疑爲暴徒。既而相伴至古騰宅得宿。始知爲巡警。夜疾雷風雨。

十二日早遊歇格鎮。Shaker Town 歇格爲美國宗教派之一。猶言戰栗之人。教中人畏敬上帝。故以爲號。聞此鎮昔日甚盛。既而入教者漸寡。教中禁婚娶。日就零落。現僅餘二人。然其宮室規模宏大。想見往日之盛。由歇格鎮回高橋。途中遇乘車少女。攬轡執鞭。其妹約七八齡。眉目如畫。少女年約二九。淡妝素服。草帽掩髮。與談。遂超乘下。使其妹執鞭。已則步行車旁。其吐屬雋雅。多識於古今大事。自云生長鄉間。喜騎獵。登臨山水。容貌亦非人間也。行數里後。分道別。亦未叩其姓名。開塞爾君旋悔之。方欲追詞。而車聲磷磷。已遠。渺不可接矣。下午回羅意徹爾。

十三日乘車往格來斯哥站。Glasgow Junction, Ky. 抵蠻莫洞 Mammoth Cave, Ky.

十四日往蠻莫洞。遊客數十。男女老少不齊。引導者秉炬前行。盤旋下石級。洞口蒼苔凝翠。甫入洞。氣驟冷。回顧一線天光。漸遠而沒。遊洞或以夜。蓋地下本無晝夜之分。昔有獵夫逐熊。熊逃匿於此。遂發現此洞。洞中數道。各佳奇不同。此次取洞字路。Route of Pits and Domes 紆迴繚曲。石室寬大如堂廈。過隘處。則偃僂而行。四顧怪石森立千狀。如翁仲。如猛獸。如筍。如肺腸。如珊瑚之瑣結。如珠玉之綿延貫垂。石上紋如脈絡。如盤蛇。石色則青黃紅黑。過蝙蝠徑。兩壁伏蝙蝠。以千百計。有茵牀。則洞中低溼處也。有蘇格蘭人阱。爲一隧道。有教堂。則一大石室。上崖。

名情人墜。俯視花石巖峭。近情人墜。有石室曰新人墜。既登萬難之山。深入不已。路益險。石益峻。有巨石名象首長人棺。有潭名清湖。有小邱名灰牀。石壁上一孔。作婦人形。名瑪賽華盛頓像。美第一總統喬治華盛頓之婦引導者提燈伏壁後。孔中火光儼然人形。游客如入夢幻。忽引導者呼曰。星室至矣。則一石室壁上多透明石。遇光則閃爍如星辰。諸客既紛然入。引導者囑靜坐勿聲。提燈逕去。諸客聳然屏息危坐。聲光既寂。天地淪沉。蓋居地下。然後知黑暗之爲何世。閉目冥視。則石像人物紛至眼前。獅奔象起。人行馬走。麒麟昂首。長蛇吐舌。豺狼眈張。神鬼驚愕。長夜沉沉。石翁無語。坐片時。偶仰首望。突見一微星光芒閃爍。方驚視。則所見益夥而明已。而銀河隱約可辨。衆星綢繆環拱。少頃曙光一縷生東方。啓明隱匿。知天將破曉矣。忽雞啼一聲。衆雞隨之。繼聞犬吠聲。笑語聲。街道上足聲。市聲。邪許聲。諸聲雜作。天已大明。諸客乃愕然歎息曰。不圖地下亦有睹天日之時。忽引導者手燈奏口技。自壁後出。笑曰。諸客勞行可以歸矣。蓋洞宇路之奇。至此而始窮也。

十五日取道河路。River Route。遊蠻莫洞。觀洞中河流。斯德河 Styx River。最紆曲。長約四百英尺闊。四十英尺。既渡一橋。至一石室。有小湖名麗水。視之黝然。渡沙地後。卽達傳聲河。Echo River。河身狹處。約二十英尺。深亦如之。長一里餘。其水最靜。聞中多比目銀魚。往來翕忽。不易得見。引導者以木舟載諸客。用長楫行舟。仰石視字如穹。時須俯首。以其四壁窈深而圓拱。故易傳聲。舟中少女。曼聲而歌。其音飄渺。萬竅和之。若斷若續。盤崖貯谷。



舟客均擊節歎賞。引導者乃曰。客等聞人籟而未聞天籟。夫請聽蠻莫洞奏樂。因以楫擊水。砰然作聲。石鳴水動。冷風生虛。餘響盤旋未滅。忽大聲來。續較前更厲。嘈呖震盪。如鐘聲合作。清平如鸞鳳和鳴。迅烈疑風雨夜。至較之女。子之歌。如黃鐘大呂之於巴歌。越調矣。時舟已抵岸。登克思格山。聽流泉。又過勞山。花谷露惜字。蠅房雪花舍。華盛頓廳。及抵蠻莫宇。石壁聳立千尋。波譎雲詭。游者至此。乃歎觀止。出洞時。回視昏黑。四聽寂然。異哉造物之有兩種也。往年余游黃石公園。熱泉衝沸。上入雲霄。長虹忽來。如欲飲吸。俄而水落。翻瀾如前。其聲光如此。今觀此洞。日月不入。萬古冥漠。此何其靜。而彼何其動。洞口僅一處。似地之口。洞其地之肺房耶。

十六日往覓大安納洞。Great Onyx Cave 道途泥濘。誤入歧路。悵惘而歸。下午抵奈歇微爾。Nashville, Tenn. 坦納西省首都也。在蠻莫旅館時。有賣珠者。以大珠相示。言得之河濱。不知其值。欲售之。視之潤潔可愛。問其價。曰三元。開塞爾君遂購之。及抵奈歇微爾。入一珍寶店。問其值。店中人笑曰。此貝殼所製。實不值一錢也。開塞爾君懷喪而已。

十七日游都城公署。觀萬特壁大學。Vanderbilt University 南方有名大學也。又觀披博德女學。Peabody Woman's College.

十九日抵歇德諾古。Chattanooga, Tenn. 觀芝克馬高營。Chickmoga Park 兵士萬五千人駐之。分步馬

隊地本古戰場。石碑林立。詳載南北戰爭情形。昔之兄弟鬩牆者。今日外禦其侮矣。營中德國囚犯五百餘。分住一區。鐵柵圍之。遊人如近柵。或與犯人交語者。有槍斃之虞。故德囚於區中種菜養雞。不與外世相聞焉。

二十日乘電車上落高山。Lookout Mountain, Tenn. 山勢危峻。軌道如懸綆。抵山巔。有黑人願爲引導。指示古蹟。黑人諳於南北戰史。即各次交戰時刻。及死傷人數。亦詳述無遺。蓋熟讀一篇文字。臨時背誦。故能原原本本。一字不漏耳。下山時天默然。欲雨。雲滿山谷。亟回旅館。

二十一日抵愛德蘭得。Atlanta, Georgia 喬治省首都。抵站時不知旅館所在。詢一老者。相伴行半里餘。指示亦可感矣。下午游博物院。是夜余就寢前。至浴室。室內殘燈如豆。忽一人自外入。衣貌醜陋。俯視問曰。孺子來。獨行抑結伴乎。告以有友人同行。即悄然去。方驚疑。出室窺之。隱約見其伏門後窺張。余益懼。亟回告開塞爾君。開塞爾君即往探視。伴爲往浴室者。睨視。則見其人仍隱身門後。亟回室曰。此人可疑。不如早爲之備。遂以電話喚掌櫃者。具告所以。掌櫃者曰。如有不測。即相喚。當可無虞。是夜下重局。微聞壁間瑟瑟有聲。終夜不絕。然亦無他異。次早亟乘車往梅肯。Macon, Georgia

二十二日游梅肯。南方名城也。街道寬廣。綠陰如蓋。室內設蚊帳。爲北方之所無。道上見羊車。山羊較大於犬。挽小車。兒童揚鞭坐其上。神情頗可觀。

二十四日抵本薛柯來。 Pensacola, Ala. 宿聖嘉祿旅館。 San Carlos Hotel

廿五日游泳於墨西哥海濱。小蝦來鉗足。夜抵鈕奧林。 New Orleans, Louisiana 宿提蘇圖旅館。 Desoto Hotel  
二十九日鈕奧林爲南方最大都會。煙霧滿城。車聲日夜不絕。康南街 Canal Street 最闊。城中有法國鎮。西班牙鎮中國街等。是夜入一教堂。座客均揮扇。

三十日遊法國鎮。古玩店林立。陳列歐洲古器甚夥。一店主贈神學書一冊。囑隨時研讀。夜登舟。由米細西比河溯流而上。舟中水手均黑人。聞黑人往往作工數天。卽亡去。狂飲。盡用所有。然後回舟博買酒錢。其力大無窮。凡巨重貨物。須運岸者。輒能負之而趨。邪許之聲。不絕於耳。舟中載牛數十頭。均運往北方者。

三十一日米細西比河發源於米納沙他省。長七千六百餘里。貫美國南北。東受啞海河。西受米蘇里河。南入墨西哥海。舟行河流最廣處。渾然不辨水端。次日抵白登羅極。 Baton Rouge, Louisiana 羅意齊安那省首都也。

九月一日觀都城公署。形如古式王宮。夜入一中國雜貨店。與店主談數小時。

二日抵孟費斯。 Memphis, Tenn. 換車至芝加哥。抵比洛意時。天方黎明。時秋聲滿地。薄寒中人矣。

## 瑞士山水遊記

民國十年二月。余與同事方君鷓。先游薩來佛山。Salve 雅爾伯 Alps 之一峯也。由日內瓦 Geneve 至佛利藹 Vevrier 多鄉景。良田千頃。日暖炊煙。佛利藹爲瑞士與法國交界處。余等忘攜護照。關吏詢行囊中何物。告以爲橋。遂得過境。自佛利藹起。電車迂迴上山。過山洞後。抵孟納帝藹瑪麗 Monnetier-Marie 由此至十三樹站 Treize Arbres 約二小時。四望羣山奔伏。地愈峻則積雪愈多。道旁古屋數椽。勢亦傾欹。長松千尺。挺立冰雪中。皆迎日而生。既抵十三樹站。少息。卽步雲登山。達其巔。身在地平四千米以上。俯視日內瓦。如塵埃。萊蒙湖 Lac Lemon 如明鏡。山之近者。色深。遠者。色淡。其淡者。與天無際。僅隱約見山巔白雪而已。與薩來佛山對峙者曰白山。爲南歐高山之一。山上一峰曰拿破崙頭。聞人云。數月前山冰忽崩裂。奔騰怒瀉。若萬馬之下危峯。損拿翁之半鼻云。余等坐山石上久之。不知日之入。及夕陽滿谷。始尋原徑回。同遊者女子四人。其中二人。至孟納帝藹瑪麗。卽步行上山。遊畢。復隨明月。渡冰雪而歸。余嘗慕瑞士人純樸之俗。淡漠之風。白山橋畔。行人觀魚鳥之嬉遊。若甚自得。政客之從各國來者。紛紛然踵相接。不聞與之俱化。而瑞士人亦不失其淡泊之風。意者其能寄情物外者耶。吾聞遊吳越者。必挹其清風。過燕趙者。當賞其傑氣。世有善遊之士。其來登薩來佛山而弔歐洲蠻觸之故居。望白

山○之○積○雪○乎○。

### 題冲冠怒傳奇

謀伯

聞道名花出玉峯。犢車何用聘昭容。將軍座上哀絃急。山海關前戰血紅。楚水吳山隨逝日。珠歌翠舞泣秋風。南朝多少傷心事。盡入梅村一曲中。

扶荔宮中幾闕秋。昭陽殿外水悠悠。紅蘭受露思難盡。青瑣生塵恨未休。冀北雲深催浩劫。江南草長鬱離憂。秦淮八豔圖猶在。誰把傳奇授莫愁。

## 游雁蕩山記

民國十五年七月二十三日接郭雲觀兄函。謂美友格利格爾君 Mr. Gregory 相邀作雁蕩山之遊。偕余同往。下午四時。余由無錫往上海五馬路外灘乘新甯紹至甬。船價一元半。小賬倍之。官艙內有小舖。六時開船。晚餐以鳴鑼爲號。凡四五桌。食客據案鯨吞。餛飩醉蟹之屬。頃刻而盡。余勉進飯半甌。食後至甲板眺望。則見明月中天。有青光自東方來。直如砥矢。疑造物斧斤所施者。水月相遭。流光倏忽。睡後聞兩岸蟬聲。與風水聲相和也。

廿四日上午九時抵甯波。上永寧號船。此船往定海海門坎門溫州。由甬至溫州。官艙六元。所謂官艙者。縱橫不過六七尺。有坑一舊桌一小洋燈一茶壺一。舟過定海。卽入萬山中。峯巒四合。波光瞬息千變。晚抵舟山。

廿五日黎明抵海門。其地僻處海隅。人煙稀少。有海門旅館浙江旅館。過同善社。內有人方朝食談道。又過耶蘇堂。聞海門有東山之勝。步行往訪。盤旋上山。行數里。見新建屋宇。門前鏤刻花鳥綺麗。有匾曰弘農冢世。又行半里。遙見粉牆一角。山人告余曰。此東山花園也。拾級而登。過石門。上刻東山書院四字。又上曰東山別墅。其間多奇花怪石。行數十武。入一亭。匾曰山青水綠。上款楚卿先生。下款署盧永祥。詢之花匠。悉主人爲黃楚卿。海門巨家也。亭四圍皆垂柳。鶯聲流轉。過延津橋。又入一亭。有湖山一覽匾額。俯瞰大海。遠望羣山起伏。其間靈氣所鍾。倘有再起之

士乎。九時後亟尋原徑返舟。下午四時開駛。舟過海門。山益多。水益亟。晚餐後。余徘徊船頭。忽見西方一大火球自水面升。光采陸然。俄而朗澈晶瑩。始識冰壺本色。歸寢後。風濤相逐。山海間電火閃爍。舟身震盪。不得入睡。

廿六日抵甌。卽往蒼河巷十一號訪郭雲觀兄。時雲觀兄方裁箋寄錫也。余臥室中除嚴幾道所書懸知心動非矯動至境。衣傳是鉢傳及雲觀兄所書和易徵參柳下惠慎言竊比摩兜堅二聯外。別無長物。然清雅可喜。雲觀兄謂余曰。頃接西人格利格爾君來書。稱其夫人病篤。不能同往雁蕩。且前日甌江內颶風覆舟。死者一百二十餘人。僅二十人遇救。可爲寒心。雁蕩之遊。不如俟之異日。雖然。我不願足下虛此一行。嘗同遊近處仙巖積穀山梅雨潭飛霞洞陀頭寺諸勝。亦可以訪大謝之遺跡。觀永嘉山水之一斑矣。

廿七日與雲觀兄遊華蓋山。登大觀亭。有聯曰。大觀在上。小住爲佳。於此東望大海。西望松臺山。南望蒲歧。北望桐嶺。嶺。鬱鬱。葱蔥。雲山表裏。蔚成大觀。又游積穀山。上一樓。有大樹砌屋宇中。枝葉扶疏。名曰臥樹。旁有精舍。有匾曰留謝。卽誓謝靈運也。樓上有佛龕。上爲飛霞洞。旋游溫州市廛。有商店曰博甌。地鋪花石。百貨雜陳。足與上海先施永安公司頡頏。溫州城牆長約十八里。街道整潔。光緒二年初開商埠時。人口僅八萬。今增至二十萬。商業以南兩門爲盛。溫州號稱多佳麗。出其東門。輿匪我思存之感焉。

七月三十日雪觀兄見余遊興甚豪。乃倩其妹丈馬公愚君伴余同作雁蕩之遊。晨七時自溫州乘輪往白溪。舟名

運大。可載四十餘人。往來溫州台州間。舟離甌江。出外海。風浪陡增。舟近台州方巖。則雁蕩亦在望中矣。舟抵白溪。即有小划船冒風波來。舟客躍入小舟。隨潮勢而行。上岸則見山海間居民鮮少。有煮鹽處。引海水入內。經過黑沙。鹽乃於此鍊出。居民除煮鹽外。以耕漁爲業。終歲動動而無效率。其猶有無懷葛天氏之民風歟。其境洪荒寥廓。一若與宇宙爲始終者。余與馬君及僕夫乘轎登山。轎以竹槓竹椅紮成。頂上有藍布一方。藉蔽烈日。乘者仰臥轎中。雖自備絨氈。猶覺脊骨酸痛。至靈峯道上。山勢漸高峻奇特。雲氣滃然。古松與日光相映。益增奇趣。初迎山而行。及下謝公嶺。則見朝陽峯與蠟燭峯屹然對峙。由靈峯拾級而登。卽至北斗洞。其地可容四五百人。遊客之旅舍也。余等臥室甚大。壁上有舊拓山谷所書一聯云。瑤草仙芝拂我坐。碧雲明月伴人遊。北斗洞原名伏虎洞。有樓四重。日光穿漏。而風雨不能入。有石龍蜿蜒。似山之骨脊。洞中道士十餘人。其主者許姓。年五十餘。置酒款客。晚間聞風雨之聲。飄忽。蓋山中流泉聲也。道人諷經。嘒。終夜不絕。

三十一日黎明起。山氣靈爽。山峯多拔地而起。怪誕可愕。余等閒步寺外。則見千峯羅立。移步換形。不可方物。近處名勝之可遊者。曰靈峯洞。中有佛龕。四旁假山均鍍金。光彩耀目。雖不能擬美國康德基省之孟母洞。然以視杭州之紫雲煙霞。則遠勝之。曰長春洞。地勢險峻。道窄僅容一人。余等至最高處。據石脊俯視。則見一石谷。繚曲幽邃。如山之耳。曰果盒岩。上有半月洞。下有果盒橋。橋下鳴玉溪水聲。滅滅然。旁有連雲障。障上有犀牛望月貓兒眼。門雞



峯五老峯。邈迤向西行。過鐵城障。橫亘數里。北斗洞前諸峯。參差羅列。以幽秀勝。鐵城障屹立千古。以雄奇勝。障上飛鳥絕跡。但聞哀蟬聲。搖曳旋過水簾洞。洞內皆蒼苔。杳無人跡。洞南有蝙蝠峯。參差峯。龍頭巖。諸名勝。

又南至靈巖寺午餐。寺僧贈靈巖圖一幅。靈巖寺附近山峯之奇者。則有天柱峰。卓筆峯。捲圖峰。玉屏峯。水之秀者。則有小龍湫瀑布。余等食後。即乘轎上馬鞍嶺。山道崎嶇。行數小時。乃達錦溪。下轎沿錦溪向北步行。翠微橫路。泉石之勝。酷似美國黃石公園。約行三里。抵一帆峯。即遙聞瀟瀟颯颯聲。未久。達大龍湫瀑布。其水自山嶺飛墜而下。高數百丈。遙望碎銀斷續。大者如珠。小者如霧。其姿態與節奏。則隨風勢爲轉移。風靜則如帶練之下垂。風動則如輕霧之飛揚。時已薄暮。遂匆匆返轎。夜宿能仁寺。臥室湫隘。燿燿宵行。怪鼠出沒。牀柱震動欲墜。佛性慈悲。而遊人苦矣。

八月一日晨。觀能仁寺後大鑊。據寺僧云。重約萬斤。可供千僧之食。爲宋元祐時所製。維時雁蕩山寺院。盛極一時。後遭火劫。至今遺跡猶存。近處有龍映潭。清漣鑿影。其水來自燕尾瀑。爲雁蕩十三瀑之一。其高不如大龍湫。而闊則過之。既觀霞映潭。即乘轎過火焰峯。兼程而進。經四十九盤。皆羊腸鳥道。山民有諺云。四十九盤盤半年。言其山勢險絕也。轎夫汗發背。鼓勇前進。過四十九盤後。大風忽起。余等主僕三人。攜手偃僕而行。余草帽爲風吹去。若在四十九盤遇風。則人轎不難捲入千仞谷也。午刻抵大芙蓉村。下午三時抵虹橋。(屬樂清)見張雲雷張慕羣兩

君觀樂清居士林。余等本擬由虹橋乘小划船至館頭。夜半趁潮掛帆取海道回溫州。因風勢甚亟。留宿胡氏兄弟家。胡氏兄弟一名然。一名非。曾在大夏大學受業於內子慶棠。夜闌聞風聲吼怒可憐。如乘舟回甌。危險殆不可測。余等抵白溪後一天。卽起大風。若風起一日前。則雁蕩之遊不果。若起於航海之時。則不免覆溺之厄。若此次之風爲風身而非風尾。則惟有枯守名山耳。

二日天未明馬君喚余起。胡氏兄弟復設盛饌款客。酒半酣。余等匆匆告別上舟。時已五時半矣。九時舟抵華超。距輪船碼頭尙有二三里。石路崎嶇。余等疾馳而往。途中遇數人曰。輪船已開駛。極目望則見白煙一縷。起自水濱。旋聞汽笛一聲。乃悵然取原徑回。乘小舟往樂清。時天氣酷熱。舟篷甚低。不能起坐。余等蜷伏其中。汗下如瀉。且風水皆逆。舟入淺水。則舟子與僕夫推挽之而行。有時須過壩。則以巨索繫舟於大石柱。柱上橫插木槓。鄉人男女四五人。手把木槓環柱而行。舟乃徐徐上壩下壩。良久入水。如是者自上午十時起至下午五時。僅行二十里。距樂清尙二十里。余等終日未食。忍飢起岸步行。樂清縣城自經髮匪屠城後。商業凋零。余等薄暮入城。則見頽址荒垣。不勝三戶憔悴之感。馬君偕余訪其同學陳君。其家業農。四壁懸油畫。陳君云。由此至館頭尙遠。不如暫宿樂清。明日可乘小舟至里隆。復乘小輪至溫州。陳君乃伴余至其友人家。時天已昏黑。余等四人在頽垣瓦礫中。紆迴窈窕而行。途中不見一人。道旁若有人狙伏者。旣而過城門。渡石橋。約行一里餘。陳君曰。至矣。則見大門巍然。有巨犬逡巡側。

避狂吠。主人者洪姓。余等投刺入。則主人已熟睡。不得已往訪趙姓家。主人披衣延客。親自鋪牀。扱水。意甚殷勤。是晚山風動屋。不得安睡。翌晨五時乘小舟至里隆。沿海小鎮也。午刻有運環公司輪船來。亟乘小划船追及躍上。至温州時已夕陽滿江矣。

## 中秋寄郭雲觀兄

謀伯

金風又起白蘋洲。望斷五湖少伯舟。華蓋山前雲鶴飛。霞洞外水悠悠。好將闕苑千年月。照徹人間萬象秋。他日登臨如有意。江南花雨共遨遊。

## 旅歐日記

民國二十一年冬。余患目疾。往北平協和醫院診治。未愈。聞世界眼科以奧國爲最著名。因作重遊歐洲之計。內子慶棠奉教育部令考察丹麥農村教育。遂於二十二年春同赴歐洲。途中雜感筆記如次。聊寄鴻雪之思。

二十二年三月十四日上午八時。搭新關碼頭小輪至吳淞口。乘意大利船康德佛地號。Conte Verde 親友送行者十八人。握手言別。余等動身前定船位領護照等事。皆托中國旅行社代辦。極簡便迅速。由上海至威尼斯經濟二等船票價目每人四十鎊。房間在 B Deck 十七號。有上下床二。及自來水洗面盆衣櫥電燈風扇地氈等設備。與二十年前余所乘美國郵船蒙古號頭等船艙情形略同。足徵近代物質文明進步之速。經濟二等船艙乘客共百餘人。華人約十分之一。有曹君樹銘在駐俄中國公使館任職。現往莫斯科。于君靜安亦往莫斯科。王君禮錫伉儷往倫敦。袁曉園女士由香港上船赴巴黎。陳倩文女士及中山大學教授梁君原均赴柏林。交通大學畢業同學孫洪鈞盧宗澄林定勗胡命謨四君往倫敦工廠實習。

十六日晨抵九龍。旅客可乘小艇往香港。余等未上岸。託上岸友人寄家信。（曹君託船公司寄家信十六封共費洋五元六角。船上寄信昂貴如此。）並往參觀頭二等客艙。頭等跳舞廳裝璜富麗。四壁懸名畫。地板上鋪絨氈。

二等客艙花木交羅。餐室內遍懸瓜燈。光采陸離。房艙亦窮極靡麗。其間複道曲折。輕煙繚繞。令人憶及長吉羅屏。繡幕圍香風之句。

十七日風浪甚巨。旅客能進餐者僅十餘人。

十八日晨抵小呂宋 *Manila*。西人均得自由上岸。華人如欲登岸者。須將護照交船上總管簽字。時遇留難。故舟中華人均未登陸。僅曹君樹銘有外交護照。經簽字後。始得上岸。有小呂宋新聞記者上船。詢問中日戰况及余等到歐任務。慶棠詢以小呂宋教育情形及獨立問題。彼謂斐人頗反對美國會所通過斐島十年後獨立之議案。因此案束縛斐島經濟之發展及人民之自由。且美國對於斐島國防仍操主權也。十一時舟啓碇前。有斐島獨立運動聯合委員會代表上船。取道歐洲赴美。到埠歡送者約萬人。軍樂沸天。歡聲徹地。此殆東方民族自覺之一證歟。下午風浪較靜。舟中有愛爾蘭人克蒂思夫婦 *Mr. and Mrs. Curtis*。寓杭州新民路醫院附近。在華二十餘年。現回都柏林。Dublin 擬於本年冬返華。又德人雷與博士 *Dr. Ferdinand Lessing*。為柏林人種學博物院東方部部長。能操華英法意俄等十二國語言。擅吾國各省方言。足跡遍中國。並喜中國戲劇及篆書。十九日。余等會同舟中華人六七人。請雷與博士教授德文。同桌李君原籍福建。僑居新加坡。謂華僑苦無研究國學及中國歷史之機會。李君受中等教育而不識中國字。惟對於祖國情意惓惓。晚雷與博士講其在蒙古之閱歷。

內蒙古人坐立皆有一定禮式。在左列者屈左支。右頤膝。在右列者屈右膝。支左頤。蒙古人以馬酪釀爲珍品。以烤羊頭祭神。而以餘肉敬上客。某次蒙古親王設宴。座中有一西婦。因屈膝過久。兩足麻木。侍者獻羊時。正欲起立。忽扑烤羊身上。座客初忍笑。及退席後。乃闐然大噱。雷與博士言。彼在內蒙古。以七十五元購一屋。外如石塚。內似鳥籠。有灶而無烟突。以陳牛糞爲燃料。又言俄人強佔外蒙古。故蒙人對於俄人感情極惡。雷與博士漫遊東三省。蒙古雲南安南等處。研究人種學。並採訪各種歌謠。其經費初由德教育部撥發。繼由某獎學會補助。雷與氏年五十。三。此次回柏林探望子女。如有經費。仍愿來華往川滇兩省考察云。

二十日。王君禮錫論詩。介紹源奎律體刊誤一書。又謂翁方綱詩原稿。錢籀石批。改甚精。可供學者參攷。

念一日晨七時。舟抵新加坡。九時。華人及雷與氏等十五人。僱汽車四輛。遊覽各處。車資每輛每小時。新加坡洋二元半。余等先往植物園。棕櫚蔽日。萬綠搖空。花氣中人。有如醇酒。園中多長尾小猴。出沒幽篁間。遊人多飼以果餌。又往觀自來水池。遊阿刺伯公園。溪水如帶。紅橋迤邐。此間花卉。四時不斷。且入冬愈繁。信海外樂土也。橡皮與錫爲新加坡特產。惟近年來。受世界經濟恐慌影響。橡皮價驟跌。聞陳嘉庚公司。橡皮往年。在紐約。價最高時。每磅可值美金一元。現最低價爲金洋五分。尋常亦不過一角五分云。僑民房屋。門前多標郡名。如河間。瑯琊之類。胡文虎。胡文豹兄弟。所建花園。規模宏鉅。內有精美游泳池。僅准華人入內。余等遊畢。往南天酒樓午餐。樓上有京戲粵劇。

繁音震耳。

念二日。自李君在新加坡登岸後。有林君咸讓上船。與余等同桌。林君原籍福建。僑居爪哇。入荷蘭籍。彼述爪哇華人達八十萬左右。占全人口百分之二十。華僑態度可分三種。一保留華籍。放棄荷籍及一切利權。二入荷籍。利用其一切利權。對於祖國文化則盡力保持。三與土人合作。從事獨立運動。故爪哇華僑。有徘徊歧路無所適從之感。是晚船上波斯人克羅佛喇 Mr. Keravala 邀余等至其二等房艙飲葡萄酒。並出示其身上之白線三條。白衣一件。皆爲宗教信物。

念三日晚舟過檳榔嶼。陳袁吳三女士或擅喉曲。或精青衣。晚間常在甲板上放歌。音節與風濤聲相應。答維時。海天明月。朗照霓裳。魚龍跳波。馮夷擊節。聆此鮫人妙樂。消去俗氛萬斛矣。

念四日晨舟抵哥倫布。Columbo 余等未上岸。王君禮錫論詩。頗服膺江弢叔之說。謂詩以抒情感者爲上。說理者次之。堆砌典故者爲下。林君言近年來爪哇華商因商務衰落。營業輒喜投機。及至破產則遠颺了事。如近之德和公司。卽一例也。因之外人對於華人信用漸減。爪哇絕少出口貨。其進口貿易爲日商所壟斷。日貨占全部進口物品十分之八。歐美貨物占十分之二。荷人對於華僑待遇甚苛。華人中惟醫生收入較豐。然須經荷政府發給執照。方得營業。

念五日。今日海面雖平靜。但下有暗潮激蕩。舟身震動。

念六日。旅客均種牛痘。

念七日。抵孟買 Bombay。旅客護照經船中總管蓋章。即可上岸。余等僱汽車一輛至公園。地之下層乃一大蓄水池。供給歐人飲料。園中萬卉競秀。極目遠眺。見印度古宮舊址。瓦礫飄零。景色黯淡。余等旋入一飲冰室。侍者稱此處僅准西人入內。遂退出。又往靜塔。係波斯教徒所建。人死後屍身委塔內。聽飛鳥啄食。骸骨落海中。余雖目不能見。然耳聞無數啄尸之鳥。嗚聲淒厲。徘徊少許。即往遊一寺院。寺在山上。鑼鼓聒耳。受布施者都袒裼襤褸。將入門時。寺僧涵涵然不准入。遂退出。余遊孟買有詩句云。鷹啄殘肢窺靜塔。僧敲鑼鼓散榆錢。蓋紀實也。孟買汽車價每小時三盧比或四盧比。

念八日。舟中緬甸青年三四人。頸項及小腿上遍圍重厚之銅圈。聞將至歐美供人展覽云。下午船客往甲板演習救生圈用法。晚德人某演講其在非洲打虎及海底探險經歷。

念九日上午見海豬結隊跳躍。有如運動會中之跳欄跑。

三十日。舟中女子著長統大袴。上身或御背心。或着短衣。並多赤足。亦有服翻領衣及短褲者。則完全男子裝矣。有男女四人極活潑。游泳時常作水戰。號四大金剛云。



三十一日晨五時經亞丁。Aden 漸入紅海。兩岸皆沙灘及山嶺。驕陽返照。作金黃色。下午酷熱。鐵欄炙手。舟客舉行跳舞大會。甲板上遍裝西瓜式燈及花紙。燦爛耀目。儼影編躑。樂聲笑語聲捲入波濤聲中。四大金剛內有一女子。服男裝。又有女子着大紅衣。頭戴紅巾。與之同舞者白衣綠褲綠巾。舟中軼事趣聞。頓增無數。夜闌人散。後猶覺香風襲人也。

四月二日。舟中有通告。凡願遊埃及金字塔者須先報名。每人付洋五磅。余等未加入。三日黎明經蘇彝士運河。河身甚狹。兩岸沙灘在望。青松黃沙。相映成趣。四時抵波賽。Port Said 此間埃及人戴紅帽。操阿拉伯語。售物者往往索價在原價十倍以上。

四日舟進地中海。風浪頗巨。入夜更甚。

五日上午理物。旅行以少帶物件爲宜。余等此次帶大箱一皮箱三。已覺受累矣。

六日上午抵白林德西。Brindisi 余等約同舟四人雇一馬車游覽。此間街道多石砌。且甚狹隘。此地爲意大利海軍要寨。旅客上岸時不得攜攝影機。舟停半日即啓碇。下午余等向美國轉運公司 American Express Company 代理人接洽。將大箱運至奧京。需費三磅。倘係慢運。Petit Vitesse 僅須一磅有餘。十天後方能運至奧京。

七日五時半起身。七時前將行李籌備就緒。十時舟抵威尼斯。Venice 所有行李均由船公司運至海關稽查處。余等與林君上岸。將皮箱開啓驗訖後。即往梭佛那旅館 Hotel Sovoya 威城以河道爲街。大河稱大街。小河稱小街。有舟無車。余等乘小划船往旅館。河中大小汽船及划船往來如織。兩岸教堂林立。其頂有作穹窿形者。有作塔形者。或綴金球。或鑄石像。其建築之年代不等。並有公侯堡邸。倒影水中。余等久行海上。不計歲月。至此見兩岸春花初發。益增故鄉之思。划船首尾均尖銳。船身作墨色。其輕如葉。兩旁有銅馬。雕工絕細。午前抵旅館。午餐後同往聖馬克市場 St. Mark's Square 散步。見大橋上行人如潮。女子裝束鮮豔。與麗日相輝映。有鴿子數千在街頭啄食。不避行人。街道均以花石砌成。尙有白色石條。綴成花紋。光潔奪目。店鋪中瑰琦山積。多玲瓏工巧。酒家客座即在大街。太白所云啣杯大道間者。不意於水國中見之。

八日晨五時起身。付旅館膳宿賬凡八十利拉。Lira 再加雜稅及小賬等計一百零四利拉。約合華幣二十五元。六時乘輪船至火車站。林君於曉霧中殷勤送別。七時十分開車。自威尼思至維也納二等車價二人爲四百九十九利拉。二等車陳設遠勝京滬車頭等。旅客均肅靜。沿途農村多植桑樹。間以桃李。田間載重車有以四牛挽之者。農民皆以耒耜耕田。不似美國農民之多用機器。經阿爾伯山 Alps 萬嶺千峯。橫巨意大利北境。山嶺上冰雪晶瑩。松樹皆作尖塔形。時聞瀑布潺緩之聲。車經無數山洞。雖山徑崎嶇。亦不甚顛播。入奧境時。須查驗護照行李。並查

所帶款項。填寫於護照上。晚九時半抵維也納。宿克郎茲旅館。Hotel Krantz Ambassador 房間每日二十先令。約合華幣十二元。飲食洗浴電燈費等均不在內。室內陳設奢華。明鏡四照。光采睍然。壁上設電鈴。四旁有圖畫。表明用法。如欲喚男僕。按鈴一次。女僕二次。沐浴三次。飲酒四次等類。

九日上午出外散步。盧透街 *Rarher Strasse* 猶上海之大馬路。各店羅列貨品。窮極闊富。下午四時往訪中國公使館。童代辦德乾。使館在四樓。並無電梯。童代辦請余等茶點。指示周詳。

十日慶索攜中國女青年會介紹書往訪此間女青年會總幹事羅伊文女士。Miss Loewen 定一房間。每日膳宿僅五先令。約合華幣三元。下午余往見畢勒醫生。Dr. Pillat 檢驗左目。謂網膜脫落。病症複雜。此因高度近視所致。彼囑於明日遷入市立醫院。晚至一自動餐室。內陳列玻璃樹。置各種食品。外標價目。餐客可隨意投錢取食。余等取雞蛋香腸。均粗劣不可口。價三先令有餘。

十一日上午僱汽車至市立醫院。約行半小時。醫院二等房間及膳費每日二十先令。手術費每次五百六十八先令。余入院後。卽由畢勒及柴法 Dr. Zafa 兩名醫檢驗雙目。據云右目已無望。左目病症複雜。囑在院休息半月。後再施手術。下午慶棠遷入女青年會。

十二日。醫院環境幽靜。二等房間清潔明敞。有床二。壁上有耶穌遇難之像。眼科醫生凡五。看護婦三人輪值。醫院

中飲食凡五次。尚可口。今日上午慶棠偕同羅伊文女士往奧京社會局取參觀證。往觀市立幼稚園。此為歐洲最大幼稚園之一。午時慶棠偕羅伊文女士往市政廳餐室。餐費較尋常飯店為廉。後同往觀一托兒所。規劃精密。另有筆記。

十三日夜半即醒。少頃忽聞山上鳥聲千囀。奏成絕妙天然音樂。室內有無線電收音機二。時聞樂歌聲。清微幽渺。若遠若近。差比霓裳絕唱也。畢勒醫生驗日後。囑帶黑色不透光眼鏡。四周無光。僅中間有一小孔。可以視物。藉免左右顧盼。以致受傷。並囑余仰臥。除大便外。不得下床。今日上午慶棠參觀藝術博物館。

十四日。此間看護皆天主教徒。衣帽均白色。每當清晨。聞近處教堂鐘聲悠揚。即祈禱十餘分鐘。慶堂每日來往於青年會及醫院之間。因路途不熟。時遇困難。幸警察行人或車中售票者均竭誠指導。且有親送至寓所者。

十六日。奧京醫生律師及其他高等職業大半操諸猶太人之手。眼科醫生內有猶太人三。其中有悌則醫士者。

Dr. Tietze 晚間常至余室內閒談。彼因德總理希特勒在柏林驅逐猶太人。風聲所播。即在奧猶太人亦覺惴惴危懼。語中時帶憂憤不平之致。謂將訪海外孤島。栖遲巖穴。濯足清流。作避世計云。

十七日晨。慶棠往市政廳博物館。其中羅列各種模型。表明維也納進化之程序。凡古代貴族及人民日常生活均歷歷在目。每日前往參觀者以數千計。

十九日上午慶棠參觀實驗小學。學生富有自治力。藝術圖畫等科上課時。除教師外。尚有級任教員指導學生。級任教員與學生關係密切。不但發達知識。且聯絡感情。洵良法也。下午參觀藝術工藝補習學校。建築設備均臻完善。學生各有職業。每星期僅在校補習一天。學校宗旨務求藝術家與手藝匠合作。共謀工藝品之改良。學生每製一物。必先製其各部份。然後造成全物。因此可免分工太細之弊。

二十日晚慶棠往觀一烹飪女校。學生二十四人爲一班。六人爲一組。並無烹飪課本。僅由教員說明方法。各生作筆記。如法烹調。凡購買食品洗濯器皿等事。均由各學生自理。學生散課後。即邀棠晚餐。餃子蛋糕及糖果等均極適口。

二十一日上午慶棠參觀維也納中學。男女生數千人。初往聽高中三年級英文課。旋往觀自然科學班。學生筆記甚勤。一生見棠入教室。即起立讓坐。九時半有無線電播音。停止授課。全校聽播音演講。棠即退出。全班同學起立致敬。又參觀兒童法庭。一男童約十六七歲。竊取三物。物價每件值六先令。此童初擬還失主。後將物售去。得錢較原值略多。失主將童交巡警。送至法庭。法官年老髮白。貌極慈祥。宣判時。審判官及聽衆全體起立。判決處徒刑一月。緩刑二年。如二年中此童改過自新。即不處分。如二年內再犯他罪。一併處分。聞尋常兒童犯罪。大都由調解委員向犯罪者之家庭勸告。以冀兒童改過。非至萬不得已。不令其經過審判手續。深恐兒童一經法庭審判。不復自

愛。故事前皆予以勸告。使兒童有自新之機會。教育與法律兼施並進。其用意至善也。

二十二日晨。天降雪珠。下午慶堂參觀斯帝芬教堂。此爲奧京最大天主堂。內懸聖母像甚夥。有一像自匈牙利送來。聖母手抱基督。彷彿含淚。棠細視之。覺其目睫頗長。凝眉下視。一若愛與悲交集於心者。在電光照耀中。不獨雙目炯炯有神。全身亦作立體形。栩栩如生。聞此像極靈驗。前有一失業女子來此祈禱。出門悵惘。不知所適。忽於教堂石級上拾得一皮篋。滿貯鈔票。計值數萬。即送交警察。按奧國法律。凡拾得遺金者得受百分之一之報酬。翌日失主感此女之誠實。照例酬謝之。並介紹職務。此事喧傳一時。因此教堂香火大盛。聖母像上滿綴鮮豔薔薇。神座前燭台高峙。熒熒火光中。見男女千餘人虔誠羅拜。默禱冥冥。近代宗教勢力因科學發達似漸趨衰微。然天主教之在奧京。其威權固尙在也。

二十三日。畢勒醫生介紹余見郭秉寬醫學博士。郭君在奧業醫已四載。爲奧京中國俱樂部會員。

二十四日上午。畢勒醫生及柴法醫生爲余左目施用手術。昨晚灌腸。今日僅進流質。用手術時惟聞刀剪玎璫之聲。隱約見白衣人左右環立。皆眼科醫生也。此次手術僅脩補眼球之上部。所用電器似一板刷。上有細針凡五。刺入眼中。將電傳入。因局部麻醉。尙不覺劇痛。手術約費一小時。畢後。醫生令仰臥。不得稍動。下午心泛殊甚。棠在醫院照顧。晚九時回寓。

二十五日上午。慶棠至醫院。下午見李維德女士 Miss Levettus 爲英國人。現年七十九。在奧致力民衆教育四十餘年。自棠往丹麥後。彼曾兩度至醫院。贈花卉糖果等物。極殷勤可感。

二十七日。慶棠往美國轉運公司購車票。自維也納至丹麥三等價目爲一百二十五先令。又往訪前駐華領事白蘭台斯君。 Mr. Brandeis 白氏在華歷十五年。現在國家銀行任職。

二十九日。畢勒醫生檢驗余左目。據云情形尙佳。余自覺目力並無進步。惟以前視物。直線均成曲線。自用手術後。目光較爲正確。

三十日。慶棠啓程赴柏林。

五月一日至六月八日。慶棠往丹麥參觀各處民衆學校。又至瑞典英法德捷克等國調查教育。並撰文演講。闡揚我國文化及近年來社會教育概況。

六月九日。慶棠抵奧京。來院問候。余左目經第一次手術後。休息一月。於上月二十四日用第二次手術。修補眼珠之下部。此次効果。殊失所望。當紮眼布移去時。覺左目前昏黑異常。僅中央略有微光。如螢火然。自施第二次手術迄今二十餘日。左目四週漸見光明。而中央似稍退步。余在病榻上偶占一律云。欲起沉疴莫計年。眼前堆塚盡雲烟。雁飛殘月花間集。鹿失鄭樵夢裏仙。孤館天沉萬籟寂。瞳人夜語一燈懸。從今風日相憐日。且讀南華秋水篇。

十五日。今日爲羅馬天主教節。慶堂自女青年會至醫院。中途適逢天主教徒逐隊游行。有白衣女童數百人。均帶花冠。天主教姊妹數千人。或奏樂器。或捧小檯。魚貫結隊而進。教主衣黃袍。持小鏡。羽蓋雲旗。旛鷲飛揚。道旁行人類類鞠躬致敬。其儀仗之莊嚴。較之我國出會。似勝一籌。

十六日。閱報見世界經濟會議各小國代表演說辭均有記載。而吾國獨付闕如。

十七日。慶堂寓青年會四樓。凡一百十餘級。初來時登樓頗疲。現稍稍習慣。今晚回寓。見一白髮老媪正俯身細措石級。彼每日洒掃房屋均在清晨。今晚爲星期六。特在午夜爲之。庶星期日早晨煥然一新。其虔誠可想。

十八日。劉獻捷博士來醫院小談。劉博士在德奧十餘年。研習飛機。今在奧京砲兵學校。此地警察學校亦有中國學生十餘人。

十九日。慶堂赴意大利領事館在護照上簽字。並檢驗回國船票。

二十日。余因目光進步甚遲。不能出外遊覽。請維也納大學英文教授白德利奇 Mr. Batterige 講授英文。奧國各大學因國家社會黨學生與基督社會黨（即政府黨）學生時有衝突。均已停課。故白氏有餘暇。每日來院二小時。講大戰後英國文學之趨勢。頗覺醇醇有味。

念一日晚。與悌則醫生談歐洲人口問題。悌氏見聞極富。凡各國生產率死亡率皆能記憶。十四年前。余在紐約聆



萊思格教授 Professor Laski 演說。殫見洽聞。口若懸河。凡所閱書報均能背誦無遺。萊氏雖英籍。亦猶太人也。

念三日。今年奧國氣候特冷。一月前葉在倫敦巴黎時。常着單衣。今在奧須御夾大衣。

念五日下午。慶棠與蘋特女士 Miss Binder 同往一茶話會。蘋特爲人勤樸多才。能操英法德三國語言。精烹調縫紉。能擲勞。並看護兒童。尙屢次失業。生計窮迫。多才多藝之人。猶不免飢驅寒遣。奔走四方。歐洲失業之嚴重。可以概見。

念七日。有美人許思德。Mr. Schuster 在美國哈佛大學專研華文。喜閱中國小說。畢業後先至中國遊陝西四川雲南等省。後漫遊波斯土耳其希臘諸國。現在奧京與余等約敘。藉得練習華語機會。下午來院長談。

念八日晚。慶棠聽開特勃雷女士 Miss Cadbury 演講美國最近經濟狀況。自一九二九年發生世界經濟恐慌以來。美國各界均被波及。然因失業之後。人民紛紛組織合作社。互通有無。或供器具。或盡心力。昔日鄰居隔閡。不相往來者。今則守望相助矣。

三十日上午。林納醫生 Dr. Lidner 來診視。林氏爲世界眼科名醫。發明醫治網膜脫落症手術。以前畢勒醫生曾從其學習。據林氏言。余左目雖不能全愈。尙有進步之望。

七月三日上午。慶棠與醫院看護瑪麗女士往遊奧國古宮及動植物院。宮殿壯麗豪華。宮內有二室。係中國式。其中充切我國古畫古玩珍寶。皇后所乘馬車遍鑲黃金。以八馬挽之。令人想見舊日奧國帝王之奢侈也。

四日。慶棠參觀維也納大學。校中因受政潮影響。停課已久。門禁森嚴。僅餘少數班次上課。學生向圖書館借書者仍復不少。又參觀國立圖書館等處。另有札記。

五日。慶棠參觀幼稚園及各區平民公寓。房屋均平頂立體。明敞爽塏。租價極廉。每家門前有小花園。請園藝專家指導點綴。每一住宅區有公共浴室洗衣廠及消費合作社。維也納共有兒童游泳池三十八處。其外表如八角亭。每日換水。辦理周密可法。

六日。今日爲余出院之日。左目經畢勒醫生作最後之檢驗。據云四周當有光明希望。中央受創過久。不易復原。將來或可再用手術一次。彼之病人有三年中經十二次手術而獲全愈者。

畢勒醫生在奧對於華人極加優待。余左目第二次手術並未取費。僅請余等捐助二十先令爲貧苦小兒之用。午後梯則醫生引導慶棠參觀肺癆醫院。此爲歐洲最著名之肺癆院。窮極輪奐。業回院後。畢勒醫生僱汽車親送余等至門外。院中眼科醫生及看護婦送行者七八人。均握手而別。車行半小時。即達寓所。臥室在二樓。分兩間。極清靜。李維德女士贈大玫瑰花十餘束。綠以金線。蘋特女士贈薔薇花一大束。

七日下午。李維德女士約余等乘汽車至半山露天咖啡館飲冰水。晚宴與京諸友人。許思德君攜其在隴蜀所搜集之繡品多種。講解釋來歷。內有嫦娥奔月鵲橋相會蘇武牧羊明妃出塞等圖。許氏蒐羅此種繡品。至五六箱之多。可謂嗜古成癖。

八日。佛愛思女士 Dr. Weiss 來寓長談。彼爲維也納大學博士。勤研中文。進步甚速。擬於今秋來華。晚。李維德女士請余等晚餐。賓主共十人。酒半。余等歌岳武穆滿江紅及蘇東坡水調歌。合座讚嘆。近年來歐美人士注意吾國文化者日增。吾國人士將如何乘此機會宣揚國光乎。

九日午後。童代辦德乾偕高麗人某君來談。某君遁逃海外。從事革命。向在紐約。今飄泊歐陸。有風塵憔悴之色。謂高麗人莫不願効尹奉吉之慷慨復讎。特未獲死所耳。晚間請譚格來博士 Dr. Dangler 及李維德女士晚餐。譚氏辦奧美學會。明年擬往美國及檀香山演講。並來華遊歷云。

十日。由維也納啓程往威尼思。清晨至東車站。李維德女士及郭醫生均來送行。七時三刻開車。入意大利境時。僱驗護照。未查行李。晚十時抵威尼思。所乘火車直達羅馬。在威尼思車站僅停數分鐘。到站後。慶棠即下車覓脚夫及通濟隆旅行社招待員。余在車中等候。約一二分鐘。車忽開駛。中心惶急。摸索至車箱外。問其他乘客。而乘客多意大利人。不解英法德語。幸同室有一往羅馬之英人。其初態度倨傲。不與人交談。至此從容告余曰。此節車換一

軌道少頃即停。君勿焦急。未幾車果停。又約一二分鐘。忽聞汽笛一聲。火車即將開往羅馬。若兩人失散。余黑夜入羅馬。危險將不堪設想。英人亦焦灼萬狀。一躍下車。狂呼。脚夫絕無應者。乃復上車。將余等大小皮包五件。火速移至門口。英人膂力雖強。已汗下如雨。時汽笛聲又狂鳴不絕。正危急時。忽見慶棠奔躍上車。英人即將行李陸續交脚夫甫交二件。車輪忽輾飛馳。向南行慶堂上車後。喘息略定。謂下車後遍覓脚夫不得。至車站門口。始喚得二人。一爲八號。一爲十六號。及回原處。火車已不知所往。後悉車已開往另一軌道。即偕脚夫追尋。奔越無數鐵軌。復冒險掠過車頭。始覓得原車。余等雖幸未失。散深慮行李遺失。腸輪轉轆。暗逐車輪而行。約半小時。抵一小站。即攜行李三件下車。謝別英人。復購票回威尼斯。下車後。則二脚夫在站等候。行李二件並未損失。即僱小舟同往梭佛耶旅館。時已午夜。惟見兩岸咖啡館及茶館。電炬徹天。樂聲縹渺。蓋威尼斯人正作長夜飲也。

十一日晚。往大運河沿岸散步。時聞軍艦砲聲及飛機聲。軋然。意大利備戰之亟。於此可見。

十二日。付旅館賬二天。共一百九十五利拉。約合華幣四十八元。下午二時。雇小舟至康德羅梭號。Conte Rosso。余等在一號房間。舟中一切設備與康德佛地號略同。晚六時啓旋。

十三日。抵白林德西。未上岸。舟中李順卿博士談美國失業問題。謂美國失業人數平均大城中占三分之一。全國約一千二百萬。失業最大原因爲機械之發達。生產之過度。及分配之不均。昔日工廠至少需用數百人者。今祇需

數人即可運用廠內一切機器。又美國財產百分之九十爲一百二十五人所占有。貧富不均亦爲經濟恐慌之一大原因。羅斯福總統救濟失業方法有三。一造林。二築公路。三減少工作時間。現在工人每星期勞作時間有減至三十小時者。政府除設法解決失業問題外。並發款救濟貧苦人民。亦治標之一法也。

十四日。聞德國有獎勵生育辦法。如男子貧乏不能結婚。可向政府借貸五千馬克。生一小兒即可少還一千。生五小兒即可全數豁免。此說雖近談諧。然德法兩國政府希望人口激增。乃事實也。同桌莊丕可博士在柏林研究化學。談及慕尼黑 Munich 科學博物館。爲世界冠。館中陳列各種科學儀器及新舊式機械模型。每種發明之歷程。可一望瞭然。卽如火車一項。最初所製車頭卽陳列於此。並有專家演講及科學電影。全國學生來參觀者每日川流不息。莊君又言日本人之來調查者。每有精密之組織。分工合作。殫精竭思。往往作數月之研究。不如吾國人之走馬看花。莊君在此館中曾費八星期之久。參觀化學一部分。館中人誤以爲日人。中日國勢強弱之懸殊。豈無故哉。

十五日。舟行平穩。同舟程海峯君二月前偕中國工入代表出席日內瓦國際勞工協會。述國際勞工年會情形。我國工人代表提出上海租界工廠實行各工廠法一案。各國工人代表均表贊成。惟因各國政府及資本家代表及對未能通過。

十六日。舟中德人猶歌思德女士 Miss Helta Jegust 言。德國中小學教員均受長期之訓練。並須歷經考試。始得教員資格。大學教授專從事研究。不參加學校行政。又言希特勒摧殘女權。其演說曾謂女子應在家烹飪及看護兒童。不當有職業。因之婦女之失業者日繁。彼向充中學教員。今在德無立足地。不得不往異國闢一新途。云。

十七日。慶棠與猶哥思德女士練習游泳。李順卿君言。彼由紐約至英國。乘德國船歐羅巴號。每小時行二十五哩。由美至英僅須五天。舟行二日。有德國飛機趕至船上。帶送郵件報紙。次日又帶舟中郵件飛往倫敦。康德羅梭號重一萬八千噸。速率遠不及歐羅巴號。而舟中辦事人員數倍之。即此一端。可見德人辦事效率勝於意大利人也。十八日。舟入紅海。同舟遊德美回國者。談兩國備戰情形。美國造林工人。年齡大都在十九歲以上二十五歲以下。均須受體格檢查及軍事訓練。並須填具志願書。一旦有戰事。即可編成正式軍隊。德國因凡爾賽和約限制。不得擴張軍備。然德國警察及保安隊。即為變相之軍隊。聞德國製造飛機小件。不遺餘力。一旦戰事猝發。祇須有同盟國牽制敵軍。則德空軍即可於數星期內完成云。

十九日。舟中某君發起中國旅客談話會。因意見紛歧。未果。

二十日。風浪甚大。余等仍至甲板休息。

二十一日。風勢更大。浪擊房窗。轟然作巨響。膳廳中食客到者僅半數。有中國旅客十餘人。向作雀戰。徹夜不倦。至此亦銷聲匿跡矣。

二十二日。數日來慶棠患暈船。今日風浪雖較小。仍不能進食。乃托同舟廣東工人煮粥。製粵菜數味。在房艙內進膳。

二十三日。風浪漸息。慶棠仍偕猶哥思德女士練習游泳。同舟有華人往意大利朝聖後回國者。凡三十餘人。聞華人在朝聖節往覲教皇。此爲第一次。

二十四日下午二時抵哥崙布。同上岸者有陳楊二醫生及猶哥思德女士。雇汽車遊覽。先至印度廟及公園。園中多棕櫚椰子樹及橡皮樹。又往佛廟。規模雖不宏大。然建築工巧。內有坐立臥佛凡三。聞係錫蘭島美術家所雕刻。印人穴內頂禮甚虔。遊人入廟者亦須去鞋帽。參觀畢。乘汽車盤旋上山。至半山旅館。一攬海天之勝。即折回。往新遠東旅館飲冰。並在附近購寶石四枚。計一鎊二先令。即匆匆搭小輪回船。相傳哥崙布爲文殊菩薩降生之處。距康地 Caride (康地即佛地之意) 僅四十英里。因時間亟迫。未及往遊。回首西天。有如三神山之可望不可接也。

二十五日風浪又起。

二十六日至二十七日。仍有風浪。舟中食物日見惡劣。

二十九日。舟中程登科君向在德國專習體育。謂德備戰甚急。全國設體育會。由政府派人管理之。凡年在十八歲以上之人民。每半年須受三星期之軍事訓練。男女分組。男子練打靶。女子學看護。又柏林城分區設游泳池。人民游泳技能與日美兩國並稱。

三十日下午三時抵新加坡。新埠為英國海軍重要根據地。英政府每歲耗鉅款經營之。全埠人口約四十五萬。華人占三十萬。華僑愛國心熱烈。遊海上者。去國愈遠。思國愈深。其心理亦復相同。惟華僑教育操諸外人之手。無形中消滅民族思想。此誠吾國民所應注意之一大問題也。

三十二日上午啓旋。天氣尚不酷熱。閱報悉法人強佔南海九小島。惟消息恂恂。內容未詳。

八月三日抵九龍。余等與程楊二醫生猶哥思德女士往香港發電回國。報告抵滬日期。旋至南唐酒家晚餐。客座在一六角亭。匾曰晚亭。陳設雅潔。此間中英人士依山為廬。分上中下三環。英人大率居上環。華人散居下環。不得與英人雜處。香港不設稅關。各國商品畢集於此。價值頗廉。香港大學在山巔。為余十二年前舊遊之地。惜此次時間匆迫。未及往遊。

五日夜十二時抵上海。鼎文松文兩姪及秀文姪女均上大船迎候。即同乘小輪至外灘。此次旅歐為時不過四月。




有餘。雖未能遊目騁懷。而耳聞所及已足供談瀛之助。途中氣候景物無一刻不在變易之中。水陸行程。備歷艱苦。慶棠一人爲余照顧。滋可感也。

## 遊印度孟買

謀伯

船頭倦看魚龍影。登陸共耽半日閑。鷹啄殘肢。窺靜塔。僧敲鐃鼓。散榆錢。卓哉一士能興國。憐爾全民尙醉眠。故國滄桑般鑿在。勉期吾族著先鞭。

漫遊記



82

002600

11

